
Матбуот анжумани ЮҚОРИ ТЕЗЛИКДАГИ ИНТЕРНЕТ ВА МУАММОЛАР

Фарғона шаҳрида вилоят ҳокимлиги матбуот хизмати томонидан “Аҳолининг юқори тезликдаги интернетдан фойдаланиш муаммолари” мавзусида матбуот анжумани ўтказилди.

Унда Ахборот технологиялари ва коммуникацияларини ривожлантириш вазирлиги Фарғона вилояти ҳудудий бошқармаси, “Ўзбектелеком” АК Фарғона филиали, мобил алоқа компаниялари мутахассислари, ОАВ лари ходимлари иштирок этдилар.

Матбуот анжуманида аҳолига юқори тезликдаги интернет хизматларини тақдим этиш борасида амалга оширилаётган ишлар хусусида маълумотлар берилди.

Айтилишича, “Ўзбектелеком” АК Фарғона филиали томонидан ҳозирги кунга қадар 400 км.дан ортиқ оптик толали кабеллар ётқизилган. Вилоятнинг барча шаҳар ва туман марказларига жами 22 528 порт сиғимга тенг 20 дона замонавий GPON қурилмалари ўрнатилиб, у орқали абонентларни юқори тезликдаги интернет тармоғига улаш имкониятлари кенгайди.

Анжуман давомида вилоятда ахборот-коммуникация технологиялари йўналишида келиб тушган мурожаатлар таҳлили ҳақида ҳам сўз борди. Улар телекоммуникация, мобил алоқа компаниялари, телевидение, почта йўналишлари ва бошқа масалалардир. Ариза, таклиф, шикоят ва мурожаатлар муддатида ўрганиб чиқилмоқда.

Матбуот анжуманида муаммолар ўртага ташланиб, журналистлар саволларига мутахассислар томонидан жавоблар берилди.

Соҳиба АБДУРАҲМОНОВА.

Суратни Жаҳонгир МИРЗАМАТОВ олган.

2019-07-26 17:35:30